


阿闍世王經



百五十四
惟二

48316



元祿九年丙子二月日重脩

皇國聖圖 帝尊靈昌

佛日增輝 佛輪常轉

山城州天安寺法金剛院置



佛說阿闍世王經卷下

後漢月支三藏法師支婁迦讖譯

應時二萬二千菩薩同共發聲我等欲與文殊師利俱行即時如其數菩薩與文殊師利俱恍忽以在沙呵刹土其處而坐其處者謂室中所以能容者是菩薩威神故悉共坐已

文殊師利說其法其法名曰陀隣尼
利謂諸菩薩乃知何所法名陀隣尼者而言
解一切諸法故其意無所望故所作無有異
所念應時足所知如智慧其法者悉知其本
所語如諦自護不墮用轉上故悉入諸法行
陀隣尼者則道之元不斷佛元持法之元摠



持僧之元於諸法無有殆在人之所聞即能
知報荅見衆而不却所以者何無所畏故欲
教化諸天隨天之所欲而悉教之令各各得
解及龍闕义阿須倫迦留羅真陀羅摩休勒
人非人及釋梵下至一切諸蟲獸鳥獸各各
知其意隨其所欲而悉教化令得其所悉曉
了有功德無功德者盡知一切人之行住其
心譬如地於世不以八事中有順何所作功
德不離於道教照於人隨其所樂令一切皆
蒙其恩所作戒令一切悉在中其慧無所不
遍入為一切之所重而不以為勤苦其心無
有異其法者知而本所教化承其教常以法

而施與不以爲馱所說法不望當得其復不
斷菩薩若根本所以者何以精進而養成其
恨故所施與不以爲馱足用薩若故以戒
不以爲馱足所以者何恭敬一切人故忍辱
不以爲馱足便還得佛身故以精進不以馱
足合會諸功德故以禪不以爲馱足無所希
望故以慧無馱足所以者何無所不念故以
法爲俸祿而自依爲得活一切無所豫其如
是者是故爲陀隣尼陀隣尼者悉揔持諸法
故云何持空無想無願無欲無所著無所見
故以是持無所生無所造爲作是持法亦不
來亦不去亦不住亦不乱亦不趣亦不壞亦

無所持亦無所掌於脫不想脫亦無所住亦
不當住亦無吾亦無我亦無壽亦無人亦無
所執亦無放亦不誠亦不虛亦無所聞亦無
所見亦如虛空無所稱舉亦無所觸亦無所
覺持一切諸法故曰陀隣尼復有陀隣尼者
持諸法如幻譬若如夢若野馬譬若水中聚
沫如水泡譬若化悉持諸法故曰陀隣尼復
有陀隣尼以無常持諸法若所見無我而寂
諸法根本悉脫其中於法無所爭亦不墮亦
無期以是持一切諸法故曰陀隣尼譬若如
地無所不持不以爲勤劇菩薩以逮得陀隣
尼者爲一切作本阿僧祇劫諸所作功德悉

能合會發薩芸若心無所不持亦不放亦不
以爲煩荷所以者何若地爲一切之所載仰
喜薩以逮得陁隣尼者饒益於一切若樹木
萬物因地而生喜薩以逮得陁隣尼者悉生
諸功德法譬若如地亦不動亦不搖亦無所
適亦無所憎譬若如地受一切雨亦無厭極
喜薩以逮得陁隣尼者一切諸佛喜薩聲聞
辟支佛所問法亦無厭足爲一切說法亦無
厭極譬若如地含果諸種皆得時出喜薩以
逮得陁隣尼者悉含果諸功德法種亦不失
時輒如時具足諸法乃坐佛樹不離喜薩若
喜薩以得陁隣尼者勇猛如將兵中之率無

所不伏菩薩以逮得陀隣尼者坐於佛樹降
伏衆魔故曰陀隣尼復有陀隣尼於諸法無
所持何以故於有常無常故亦無樂亦無苦
有身無有身無有人無有常一切諸法無所
持所以者何無有二心故譬若如地不持空
陀隣尼一切諸法無所持譬若空不持有所
有陀隣尼者於諸法亦無所持譬若水不持
諸垢濁陀隣尼者於諸法亦無所持譬若有
所至無處所故陀隣尼無所持故陀隣尼者
不可盡無有盡不可度故無所不入無所不
入故是爲空界陀隣尼與空等說陀隣尼時
五百菩薩悉得陀隣尼法文殊師利於二夜

說菩薩藏諸法莫不從是若功德法若無功
德法若俗若道若有罪若無罪若有餘若無
餘若脫若不脫一切盡入是藏何以故用諸
法故無所不得故譬若三千大千刹土含受
百億國土百億日月百億須彌山百億大海
盡入三十大千亦不凡法亦不道法盡入其
中聲聞辟支佛法若菩薩法盡入其中何以
故悉惣持諸行故持聲聞持辟支佛持菩薩
若如樹其根堅住者本莖枝葉華實皆而成
好菩薩藏者無所不持無所不成一切持諸
功德法悉持菩薩若若心其菩薩藏者若器名
曰受不可數譬若海含受衆水受於珍寶龍

閱又捷陀羅眞陀羅摩休勒無不苞裹爲一
切作其處其藏者因緣不可數亦如是受無
數戒其聞三昧智慧所見其器無所不受而
見故曰菩薩藏譬若如海其往生者不飲餘
水所以者何皆因海故其在是藏者皆因是
法不在外道所以者何盡受薩芸若法味故
故曰爲菩薩藏是者爲三藏何謂三藏聲聞
藏辟支佛藏菩薩藏聲聞藏者從他人聞故
所以者何聞其音故辟支佛藏者緣十二因
緣故以因緣盡而致是菩薩藏者及無央數
法而自然逮成佛其聲聞若辟支佛其三藏
者非聲聞辟支佛所有也說是法時其三藏

者各得如所行所以者何說是時其聲聞辟
支佛菩薩各得其行故曰三藏其逮得菩薩
法者便有三藏所以者何聲聞辟支佛不離
佛法故復有三藏學何謂三藏有聲聞學有
辟支佛學有菩薩學聲聞學者用有度故但
自明故辟支佛學者是謂中學無有大哀菩
薩法不可度入法身故用大哀故聲聞者不
學辟支佛事亦不了辟支佛事辟支佛不學
菩薩事亦不了菩薩事菩薩者知聲聞所學
不以為樂不於是中有所希望亦不於是中
而求脫亦知辟支佛所學不以為樂不於是
中而求脫而知菩薩所學樂於所學而自勸

樂當因於中得脫故教聲聞而示現以其行
教化之其辟支佛亦尔是菩薩作故名曰菩
薩藏譬若以器受其琉璃用琉璃故其器亦
作琉璃之色菩薩以還入藏者以諸法所見
不離佛菩薩以逮逮藏者諸所見法悉見於佛
法菩薩悉無所不學諸法所以者何無有異
所見諸法悉如佛證其菩薩藏者無央數字
而教不可度處所以者何無增減故不可議
光明悉照於冥所作者有惠利無有極入薩
芸若無所不入其學是學乃為學悉入藏故
便入摩訶若那摩訶若那者無極慧以入者
其未入者而入之尔時文殊師利為諸菩薩

說其藏事已復於三處說阿惟越致輪金剛
行說是時其聞者悉逮得是事其輪者亦無
所轉阿惟越致輪者無所希望於一切其心
無有異所以者何不念善惡以等心學法見
諸佛刹亦復等視不著其好醜以諸佛等無
有異其輪者無所不遍入所以者何不壞法
身故以是故為阿惟越致法輪其輪者無斷
絕處所以者何無二心故其輪者如所見何
以故以法輪致佛故是名曰阿惟越致法輪
其從阿惟越致輪者悉以脫諸想故其信是
者悉當得如佛不以二事故從一事脫所說
如怛薩阿竭所因脫其脫者無想無想是故

諸法其有想無有脫何以故其脫無有二所以者何無身口意故所以者何其脫者亦不從身口意故曰脫作是者以爲自從不從他人故曰阿惟越致輪其輪者不轉色所以者何其色自然故痛癢思想生死識亦不轉所以者何識自然故一切法亦不轉所以者何法身無法轉故是曰阿惟越致輪其輪者所入無有際何以故無有斷絕故其輪亦無所著亦無有斷何以故其輪無有門故所以者何不二心故其諦亦無轉者所以者何不可說故其輪亦無有能解者所以者何亦不有其音何得見其形故其諦以空可致其脫者

莫能有逮譬若如空無所不入何以故無所
不入用脫於本故其輪者亦能行亦能步何
謂行何謂步如金剛鑽穿衆寶云何可以鑽
穿其法譬若以空鑽穿一切所以故是名曰
法爲無所想是故金剛所以者何鑽穿一切
諸所求故無願者若鑽金剛穿諸所未脫令
而得脫法身者若金剛諸所乱者而空理之
恒薩阿竭者如金剛悉穿無所有其脫如金
剛過於諸不脫者泥洹者見諸自然法文殊
師利爲諸菩薩說是阿惟越致法輪時菩薩
悉得羅毗拘速三昧言者名曰目光明華得
是三昧已其菩薩身一毛者放億百千光明

其一光明者見坐億百千佛一一佛者到他方其求佛道而往教化

明日旦阿闍世王遣使者到文殊師利所唯哀用時與等人自屈摩訶迦葉時與五百比丘俱欲入城而分衛以行道半念尚早而旋還與比丘俱過候文殊師利以到所習住於門外文殊師利問摩訶迦葉今早欲到何所則言欲行分衛故文殊師利復謂摩訶迦葉我今與汝分衛摩訶迦葉則言已具足爲供已所以者何以法到是不以食故文殊師利謂摩訶迦葉與諸比丘俱就是當用法故亦當用食故所以者何今亦不失其法亦令不

失其食故合兩以作一摩訶迦葉則答言吾
等常當忍不食當聽其法何以故二諸深法
常從是聞摩訶迦葉則復問今日與諸摩訶
薩俱而食文殊師利言今所食處其人亦不
離生死亦不入泥洹亦不過欲事亦不以道
證所食處其食亦無所增無所減亦於諸法
無所持亦無所捨摩訶迦葉言其作是施與
者是爲無極施與則言諾受所請文殊師利
則自念今當入城所作當如佛之感動作是
念時便得無所不感動三昧則時沙呵刹土
平等如鏡諸丘墟山陵一切不現其光明無
所不接其在泥犁勤苦其痛則除悉得安隱

是剝諸人用是時悉無姪怒癡亦無妬心亦無貢高亦無起意尔時諸人皆有慈心展轉相視若父若母應時地爲六反震動諸欲天子諸色天子以百種伎樂而供養文殊師利并雨天華而散其上從文殊師利所止乃到城門盡索治嚴以衆華結爲交露夾道兩邊以名殊華悉布其地已衆絕寶而爲帳幔覆蓋其上其道廣六丈三尺兩邊悉有欄楯已衆寶化而作樹間間行列夾道兩邊則以寶作繩連縛諸樹展轉相連其一樹者香四面聞四十里兩樹間化有水池周匝其邊悉有衆寶以爲雍障以琉璃爲飾其水之沙者悉

金其水有八味衆華悉生其中鳧鷹鴛鴦而
走戲其間一一樹下當其根上而有衆寶之
架其架上者皆以珍寶而爲香爐皆燒名香
一一架者其女百人各已蓮華擎持栴檀名
香文殊師利作是三昧時其威神無所不變
化文殊師利從座起著衣服謂摩訶迦葉便
而前行我今從後何以故其年尊老故復先
佛作沙門以是故當在前摩訶迦葉則時荅
言其法者亦無前後不計年歲而有尊幼文
殊師利言當何謂爲尊老摩訶迦葉荅言智
慧是尊學問甚多是則爲尊在所作為是則
爲尊索知一切人之所行是則爲尊摩訶迦

葉復言文殊師利亦有智慧其問具足在所
作爲曉了一切人之所行以是當爲尊摩訶
迦葉復言今若其年亦復爲大亦復爲尊故
當在前願樂在後今欲說譬喻唯願聽之若
師子之子其膽勢氣力不如於大雖小蒙大
者之香諸禽獸聞其臭者莫不恐怖譬若大
象而有六牙其歲六十若人以革而爲繩縛
繫其象師子之子於革繩之所大象聞之臭
便犇走入山雖菩薩發意未成力勢非聲聞
辟支佛之所而當衆魔莫不驚動縮要而怖
其師子之子見大者而嗚呼有所作爲其心
不恐亦不畏懼所以者何倍復歡喜今如是

菩薩見佛有所作爲其心不恐亦不怖懼所以者何倍復歡喜今我感亦當如是舍利弗言欲計其尊者若聲聞若辟支佛其發菩薩心者是則爲尊所以者何其有所求皆從菩薩心而起摩訶迦葉言故文殊師利以是爲尊續當在前吾等承後文殊師利便在前諸菩薩在後聲聞悉從亦在後便向道天則兩華地爲六反震動諸天於上以伎樂而娛樂應時光明一切莫不明者便至羅閱祇未入城門王阿闍世聞文殊師利且到從菩薩二萬二千五百人其比丘者五百人俱王自念吾作五百人具今當云何供當坐何所應時

天王名曰休息心與尊闍義名曰金鉞與俱
而來與阿闍世王相見則言勿恐勿懼勿以
爲難則答當云何而不以爲難則報言文殊
師利者作漚愁拘舍羅無極智慧以功德光
明具足而來神足功德其以一飯與文殊師
利若有三千大千一切人索飲食者悉能飽
之其食不盡索是二萬三千人何足可憂是
故勿以爲難所以者何今皆可而悉足文殊
師利者其功德甚尊而不可盡阿闍世應時
而歡喜其心無異踊躍倍喜而設所作便將
伎樂擎其華香而自出迎文殊師利等而俱
入宮時於菩薩中有一菩薩名曰普視悉見

則文殊師利勅三摩陀阿樓者陀令嚴治其
處可容來者其菩薩受教應時四面而視占
則時悉以辦於衆會中復有菩薩名曰法來
則得勅令而具床座應時受教彈指頃有二
萬三千床座其統縵若干種色名珠好繡綺
異色物悉布在上文殊師利及諸菩薩聲聞
一切皆悉就座阿闍世前白文殊師利所作
供具甚少願忍頃臆今更欲辦其具則荅言
所作已可自足勿復勞意天王惟沙門與家
室僕從悉來而謁皆恭事左右釋提桓因自
與大夫人名曰首耶及與天女皆持名香供
養散文殊師利及諸菩薩比丘僧上其諸菩

薩亦不以天女亦不以伎樂亦不以華香有
所轉動梵天而自化作年少婆羅門甚姝端
正持扇任文殊師利之右侍而扇之諸梵天
子悉復供侍諸菩薩比丘僧任於之右持扇
而事阿耨達龍王其在衆會虛空之上而無
見者持把貫珠垂若幡從其貫珠其水流下
水有八味若欲所當作悉取是水文殊師利
及諸菩薩比丘僧人人前有垂珠水從中出
悉給所當得阿闍世復念諸來會者而不持
鉢今當以何器而食之文殊師利知王之所
念則言菩薩者不費鉢行而所食處念鉢便
從其刹土鉢自而來在其手中阿闍世復問

文殊師利是諸菩薩悉從何刹土而來。到是其佛号字文殊師利。則言其刹土名沙陁。惟麀吒其佛号字惟首陁尸利。從彼間而來。到是食於仁。所以者何。故來欲聞法。聽仁之所。狐疑諸菩薩念鉢。應時鉢而飛來。行伍而到。阿耨達皆自淨洒。盛滿其水。諸龍嫫女皆擎持二萬三千鉢。而來授與麀吒刹土菩薩人。之著其手中。阿闍世住侍文殊師利。文殊師利則請阿闍世。可分布飯食。應時受教。分布而遍。其食不減。如故。阿闍世復白。其食悉遍無所缺減。則復如故。文殊師利言。今為盡。不則荅言。不盡。所以未盡者。以若疑。故諸菩薩。

飯已持鉢跳擲虛空行列而住亦不墮地亦
不轉搖阿闍世復問是鉢云何住而依何等
文殊師利荅言是鉢所住如若狐疑所住阿
闍世復言是鉢亦無所住處亦不在地亦不
所依亦無有處所文殊師利則言如若狐疑
亦無所住諸法亦復如鉢無所住無所墮飯
事既訖阿闍世則取一几坐文殊師利前自
白言願解我狐疑文殊師利則言若恒邊沙
等佛不能爲若說是狐疑阿闍世應時驚怖
從几而墮若大樹躡地摩訶迦葉謂阿闍世
勿恐無懼所以者何文殊師利入漚瑟拘舍
羅甚深以是故說是徐可而問阿闍世則問

言屬所說何所恒邊沙等佛不能說我之所
狐疑文殊師利言仁者謂已從心因緣而可
見佛王即荅言不用心心生故爲可見佛王
言不用有心故爲可見佛王言不生死與脫
是二事持是作佛王言不而有法言從蒙是
法王言不其作如是法者能可爲說說王言
不以是故吾說若之狐疑恒邊沙等佛而不
能說所以者何若人言我能以塵行於虛空
乃能爲不王言不若有人言我能却虛空之
垢能却不王言不能文殊師利言佛知諸法
一切悉若虛空所以者何脫於本故亦不見
諸法有本若有脫者以故我言若王之狐疑

非恒邊沙等佛之所能說文殊師利復言怛
薩阿竭者不得內外心何所當作狐疑所以
者何一切諸法本悉脫何以故復有狐疑文
殊師利復言其脫本者已不復著空本無所
有諸法故曰脫亦不自然不有所成無所不
見諸法有所無所有諸法無所見故無所可
見諸法謂默然故是謂想不可知諸法無想
已過自然故以過度諸法者謂生死斷故諸
法無處所謂無有願故諸法無有願謂無有
生死故等諸法無所著謂清淨故諸法悉清
淨謂本中外悉淨諸法無有雙者謂無有侶
諸法無有侶謂一心故諸法一心謂脫故諸

法無有極謂無所斷故諸法無有邊幅謂無有度故諸法不可見其度者謂所作異故諸法謂所作異者求慧謂不能得安諸法無常謂無二心故諸法悉安謂過淨故諸法悉安謂無所求故無自然法謂不可得身故諸法無狐疑謂內寂故竒哉諸法謂無諦故諸法寂者謂坦然故諸法無吾謂無是我所諸法無餘謂脫故諸法無所轉會上謂無有念故諸法盡信無所著斷故諸法一味謂脫故諸法安隱謂無有想故諸法無有想謂無所懷故諸法悉空度諸求故諸法無有願謂三界故諸法以斷三界謂不著過去當來今現在

一切諸法若泥洹謂以生未生者文殊師利
謂阿闍世無所生無所生者乃可令淨王言
不文殊師利言佛知諸法如泥洹故不可脫
其所狐疑所以者何當直住視諸法視諸法
已亦無所取無所捨亦不於諸法有所止處
已無所止諸法是故安已安者便無有疑已
無有疑便無所有作無所有作者謂無有主
於是中當作是忍何以故不自念我用諸法
故忍諸法不可作謂可爲是不可爲諸法無
有作無有作無所作是故泥洹其信是者以
爲等脫亦無所增亦無所減諸法本無故無
有作而能作者悉本無其本無者亦非是亦

不非是故本無無有異已信無有異者諸狐
疑已索盡其眼者亦無垢亦無淨眼之自然
是故本無本無自然故曰眼耳鼻口身意亦
無有垢亦無有淨其意者自然是故本無本
無自然故曰意色亦本無本無自然色痛癢
思想生死識亦無有垢亦無有淨識者自然
本無本無自然故曰識諸法一切無有垢無
有淨諸法自然本無本無自然故曰諸法其心
亦不可見色亦不可得持何以故譬若幻不
可言用內故亦不可言用外故所以者何本
淨故以是無有垢其心本者亦不以受亦不
以增亦不以煩亦不以憂亦不以愁聞是法

者無所疑本異而念異故而有垢當知本異而念異其無是者不可以令有王不當念有是譬若人言我能令空有垢以烟若塵作是而可令空有垢不王言不文殊師利言其心本以清淨者姪怒癡無來何復言譬若空現於五事一者灰二者塵三者烟四者霧五者雲盡索可見不可言爲坐作垢如人言是我所作非我所便有姪怒癡於心本而不作垢亦不作狐疑所以者何心本有所作亦不能防後心後心有所作不礙於前心今見在心亦無處所其智者已曉是所作而不有希望無所希望是故清淨相一切諸法無有垢無

所不明無所生無有處所無有處所是佛生
地生地者謂爲諸法諸法者是故生地故不
可說其智慧者諸法無有脫以法爲脫諸疑
以無所有無有法度者故狐疑屬法身故曰
法身無所不入諸法亦不見法身有所入何
以故諸法是法身如諸法等故法身亦等故
曰法身所入說是時阿闍世王得所喜信忍
則歡喜踊躍則言善哉善哉解我狐疑文殊
師利則答是爲大狐疑屬所說諸法無有本
何從得狐疑當從何所聞狐疑阿闍世王則
言蒙大恩而得小差今我命盡者不憂不至
泥洹文殊師利言如王之所希望者是無有

本所以者何諸法本泥洹故無所生阿闍世
王則從座起取名好竒氎其價直億百千持
繞文殊師利身應時文殊師利身不現其氎
續在處於虛空但聞其聲不見形則聞其音
說如見文殊師利身王自見狐疑不以見狐
疑者爲以見諸法如所見是爲復從空中聞
其聲謂王有所見便以氎而與之次文殊師
利坐處有菩薩名得上願阿闍世復欲持是
氎而奉上之其菩薩言若其求脫泥洹者我
不從是有所受亦不受凡人有所有何以故
凡人者謂有俗間事故而不受亦不從求羅
漢辟支佛有所受亦不從但薩阿竭法有所

受其有不近是法不離是法我而受是物其
與者亦無二心其受者亦無二心故曰所受
過於脫王則以衣著菩薩上忽然不現不知
處但聞其音不現形說言其所現身以衣與
之而是菩薩坐次復有菩薩名曰見諸幻阿
闍世王復以是衣如奉上之其菩薩言若有
計他人有我者我不受是物亦不從有所沾
汗亦不從以得脫從是而受物亦不從定意
者亦不從乱意者而受是物亦不從智慧者
亦不從無智慧者而受是物阿闍世便以衣
摛床上其菩薩即不現復聞其音不見其形
說言其有現者以衣與之而是菩薩坐處有

菩薩名曰不見幻至泥洹阿闍世以手擎衣而往趣之上座已去仁者可受其菩薩言若有自著他人者我不受是物其不著五陰四大六衰亦不著佛亦不著法亦不著僧何以故諸法無所著故王阿闍世便持衣欲著菩薩上應時而不現但聞其音而不現形說言其有現者以衣與之而是坐次有菩薩名曰私呵末阿闍世則以衣奉上其菩薩言其無瞻者我不受物今汝發菩薩意持心如菩薩其心等諸法亦等於諸佛法亦無所取無所捨於諸法亦無疑亦無有疑亦不念諸法有我我不念諸法有所脫有是意者乃受是物王

阿闍世則而以衣著菩薩上應時不現形但聞音說言其有現者以衣與之而是菩薩坐次有喜薩名三昧拘遯摩阿闍世持衣欲奉上其喜薩言若有如是三昧無所疑乃受其物本三昧悉知諸法無所脫我乃受是物王阿闍世便持衣著其上應時不現但聞其音言其有現者以衣與之而是坐次有菩薩名無量精進言一切諸音字聲而不可得其作是者我乃受是物王阿闍世復以衣起著其上則時不現形但聞其音言其有現者以衣與之而是坐次有菩薩名離所作垢阿闍世欲以衣上之是菩薩言其不自念我身與之

亦不念有人從我取亦不念當有利其無是
者我乃受是物王復以衣著其上應時不現
其形但聞其音言其有現者以衣與之而是
坐次有菩薩名曇摩惟懼和那羅耶阿闍世
復以衣奉上之其菩薩言若於聲聞示現而
不般泥洹於辟支佛示現而不般泥洹亦不
住於生死亦不至泥洹我乃受其物王阿闍
世便以衣著其上忽然而不現但聞其音言
其有現者以衣與之如是一一以衣與之應
時不現其床几坐處悉亦不現復聞其音言
其所現者以衣與之阿闍世語摩訶迦葉我
從佛聞仁特尊今以衣奉上唯當受之摩訶

迦葉而不肯受所以者何我姪怒癡未盡索
故不可受亦不離無點亦不離惡亦不離苦
知亦不習亦不盡亦不導亦不以盡爲證亦
不有道念亦不見怛薩阿竭亦不聞法亦不
屬比丘僧亦不慧生亦不眼淨亦不以識有
所住而作其與我物者其德不能大亦不能
得尊脫摩訶迦葉言如仁作意如我者我乃
受之王阿闍世便以衣著其上應時而不見
但聞其音言其有現者以衣與之便復以衣
次第與諸比丘一一不見盡索五百人悉亦
不現但聞其音言其有現者已衣與之王阿
闍世熟自思念諸菩薩比丘僧悉亡當已衣

與誰還自與中宮極夫人又其夫人亦不現
應時阿闍世王便得三昧不見諸色亦不見
母人亦不見男子亦不見男兒亦不見女兒
亦不見垣墻亦不見樹木亦不見室宅亦不
見城郭尚有餘念謂有我身諸色識悉止復
聞其音如一切有所見當自見其狐疑如所
見狐疑見一切諸法亦復如是所見當作是
視無所視當作是視無所視法是為視法其
有所見者便以與之王了無所復見便取其
衣還欲自著亦復不見其身心意識諸所想
已無是名曰脫於想脫於狐疑則從三昧還
見衆菩薩比丘僧諸官屬所有一切如故阿

闍世復白文殊師利屬諸衆會所在而我不見文殊師利言如仁之狐疑處屬衆會在彼間文殊師利復言乃見衆會不阿闍世則言云何見如我所見狐疑見衆會如是文殊師利復問乃見衆會不阿闍世則言見云何如我所見狐疑見衆會如是文殊師利復問云何見狐疑如我屬不見衆會者是狐疑於內外亦無所見文殊師利言乃聞佛所言其作逆惡當入大泥犁不王言聞文殊師利復謂王汝自知當入泥犁不阿闍世復問其佛得佛時乃有法上天入泥犁者不乃有安隱當至泥洹者不文殊師利則言無王言我知諸法

悉空故所以者何泥犁亦復已空上天安亦
空諸法無所可壞敗是故入法身法身者亦
無天上亦無人間亦無泥犁禽獸薜荔其逆
者亦不離法身其所作逆者身悉法身之所
入諸逆之本悉諸法之本已去當來無去來
者諸法亦無去來已知是者亦不入泥犁亦
不上天亦不泥洹文殊師利復問佛說有逆
如何今說無有王則荅言我不違佛所語去
何王言無我是佛之說諦其以無我是則無
人亦不作罪者亦無受罪者文殊師利復問
王已脫於狐疑不則荅言從本已脫以來亦
脫文殊師利言其疑以盡未王言已從久遠

盡文殊師利復問云何衆會而知王有逆無
逆脫是中王言以尊法持我故知無逆譬若
菩薩已得忍辱悉持諸惡菩薩若慧好願那
鞞頭梁耶謂阿闍世諸逆以淨以得是忍王
言一切諸法悉淨無所沾汙故是法亦不可
汙所以者何其道無有瑕穢故以入大逆道
者不去生死不見泥洹所以者何其道無已
可往者而可近者說是語時阿闍世王便得
疾信忍則時三十二人於文殊師利前皆發
阿耨多羅三耶三菩心五百目下悉得須陁
洹道其羅閱國民闡滿宮門欲見文殊師利
說法文殊師利則時以足大指指地宮壁及

地悉爲琉璃一切在外皆見宮中諸菩薩比丘僧若人照鏡自見其形尔時所視悉亦了了皆聽文殊師利所說法八萬四千人悉得須陀洹道復有五百人悉發阿耨多羅三耶三菩心文殊師利爲王及宮中目下諸人說法已各令安隱便從座起與諸菩薩比丘僧俱而出宮門王阿闍世及宮中官屬俱而送之出於城門之外見樹下有人而大呼我自殺其母是人當得脫者文殊師利化作一人與父母俱行父母言是故政道可從是行其子言非是政道如是至再三與父母共諍便起意還殺父母前殺呼母者見是人而殺父

母便於邊舉聲而與其他化人殺父母者便自
陳說我所作為非法所載然殺父母其一人
則念我獨殺母耳是人殺父母其罪甚重如
子所受我尚輕微化人則語一人我不如往
到佛所佛者無所歸者而受其歸而無護者
而為作護如佛所語我當承教不敢違失其
教化人便向道其一人即隨其後如是人所
受法我亦如是雖尔我尚嗟之俱共啼哭而
行已到佛所前作禮而任便自白我作非法
而妄殺父母佛言善哉善哉如子之所言至
誠無異所以者何不覆蔽其罪故乃至怛薩
阿竭前所說事如佛則言勿恐莫遽隨我所

言其化人言如佛所教唯哀加護佛言還自
觀心之法視持過去當來今現在心持何等
心而殺父母佛則復言已過去心已滅已盡
亦不可見處亦不可見所在當來心不可說
所以者何未生未有故無有想無有
念今現在心亦無所任止若心起意則滅亦
不合聚亦不可知去至何所從何所來亦不
可知青亦不知赤白黃黑心者不可見亦無
有形亦復不可得持亦無有伴譬如幻於身
亦不可見在內亦不見在外亦不見中間佛
言心者亦不可從愛可見亦不可從瞋怒可
見若卧出於夢可見其心若作若無所作心

亦無所與無所得心者本淨故亦無有沾汙
亦無有而淨者佛復言其心亦非是間亦非
彼間譬若如幻不可得持所以者何無伴侶
故其知如是者不作是想亦不念有我無我
亦不念有所見亦不念有所住諸法寂寞而
有作者其信是者不復受惡道所以者何無
所沾汙故其心法者亦無所生亦無所著其
化人則言善哉善哉如怛薩阿竭以法身而
自成佛今知如佛所說以信不疑無作者無
受罪者無生者無所滅者如諸法願樂得爲
沙門佛言如子之願應時其化人便如沙門
自白佛我所犯罪殺父母已脫而得阿羅漢

今欲般泥洹佛言從意如所欲是化比丘飛
去地二十丈在於虛空便般泥洹從身火出
還自燒身其殺母者見是人已般泥洹具足
聞怛薩阿竭所說則自念言其所作甚逆
今作沙門而得度脫般泥洹我罪尚可行何
爲不自歸佛亦可致是便前爲佛作禮自白
我所作非法自殺我母今以身自歸佛言善
哉善哉所語至誠無有異所說如言見怛薩
阿竭說所作罪而不覆藏且觀心法念以過
去當以來今現在心何所心殺其母者過去
心以滅盡亦不外亦不內亦無處所當來心
不可說亦未生亦未有亦無有想亦亦有所

想今現在心亦無所任止心有所生則破壞
亦無所聚亦不見有所至處亦不可見有所
從來處其心者亦不青赤黃白黑其心者無
有形不可見不可得持亦不可聽聞所以者
何無有聲故亦不可得獲亦無有伴譬若幻
亦不於外見身於內亦無所得於中間無有
處其心者亦無沾汙亦無有惡亦無有疑其
心無所作亦不有所作亦無所與亦無所得
心者本淨故亦無沾汙亦復無淨其心亦不
在是是不是其心若空亦不可得獲亦無有
伴其智者不念是想亦不作縛亦不作淨不
作有所見亦不作處亦不有所止處亦不有

而羞心脫者是故無所礙亦不生惡處何以
故其心法亦無所著亦無所至湊亦不在生
死之所止其殺母者應時身諸毛孔一一孔
泥犁之火從其孔出痛不可言則自陳說今
自歸怛薩阿竭唯哀加護令得安隱佛則時
以金手著其人頭上應時火滅苦痛便
前長跪願欲作沙門佛言如所欲則時以為
沙門怛薩阿竭以四諦法而說之應時得法
眼深入其事則得阿羅漢便白佛言今我欲
般泥洹佛言如所欲飛在虛空去地百四十
丈便於是上其身火出還自燒身諸天億百
千人悉飛而來供養舍利弗白佛怛薩阿竭

實尊所以者何而作惡令得解脫誰而解者
獨佛若文殊師利及諸菩薩深入僧那僧涅
者而知是事非羅漢辟支佛之所而堪知其
中事若一切人之所行悉不而及逮佛語舍
利弗其怛薩阿竭土者是菩薩之所忍非羅
漢辟支佛地及非一切人之所行所以者何
若有一人所作異而當得異如是若曹見作
罪者知當入泥犁我而令不入泥犁可至泥
洹如若曹所知當有般泥洹者我知當入泥
犁何以故若曹而不及知一切人之所行佛
語舍利弗若見其殺母人而般泥洹者不則
答言見佛言是人以供養五百佛盡索從一

一佛聞心法本淨何以故今復聞是法而般
泥洹其有知深法入其微妙歡喜踊躍其心
無懼若爲惡師所誤若其心不足者而所犯
罪會當解脫其以信心法本淨是人不墮惡
道所以者何無所礙故文殊師利即與諸菩
薩摩訶迦葉比丘僧王阿闍世及羣臣官屬
來到佛所舍利弗問阿闍世今以聞狐疑解
不則荅言以聞知云何聞其說法時無所得
亦無所不得亦無所持亦無所捨聞是時從
今以去無有沾汙時舍利弗問佛阿闍世餘
罪有幾所佛言所聞法譬若一芥子能盡須
弥山之罪舍利弗問佛王阿闍世當入泥犁

不譬若忉利天子被服名衆好寶來下到是
則還處所阿闍世者亦以衣服珍寶莊嚴譬
若是天子從上來下雖入泥犁泥犁名賓頭
入中無有苦痛則爲苦天子上歸本處舍利
弗白佛甚善阿闍世所作罪而得微輕佛謂
舍利弗汝乃知是王不則言不知是阿闍世
王以供養七十三億佛各從諸佛常聞深法
其心不離阿耨多羅三耶三菩心佛復問舍
利弗乃見文殊師利不則言見是本發阿闍
世而今爲阿耨多羅三耶三菩心今時久遠
過去時有佛号字安隱覺劫名無塵垢用是
劫中而有三億億人皆文殊師利之所勸而

轉法輪佛語舍利弗譬若如恒邊沙等佛爲
阿闍世說法而不解其狐疑所以者何是文
殊師利之所發意故當從是解世世常從文
殊師利聞甚深法佛言菩薩本有所造作其
人必當因本所發意而得解今阿闍世雖入
泥犁還上生天上方去是五百四十五刹土
号字名惟位惟位者漢言爲嚴莊其佛号字
羅陀那羈頭漢言寶好亦於彼當與文殊師
利相得從其刹欲會聞所說法則當得無所
從生法忍弥勒於是作佛阿闍世從彼刹來
生是間今時當名阿伽佉鉢菩薩弥勒佛從
是因緣以法教諸菩薩所說法亦不過亦不

短適平等尔時當說阿伽佉法鉢者以過去釋
迦文佛時有王名阿闍世用惡人言而殺其
父從文殊師利聞諸法聞已則歡喜信忍所
作罪應時盡索彌勒佛說是時八千菩薩悉
得無所從生法忍却後八阿僧祇劫阿伽佉
鉢當行菩薩道而教化人亦當淨刹土其有
人從其聞法者若作聲聞若作辟支佛若菩
薩法者皆當無瑕穢一切無所礙諸人悉當
明於智慧無所狐疑其王阿闍世過如所說
八阿僧祇劫以後當得為佛其劫當名唾日
鉢陀遍漢言者歡喜見其刹土名阿迦雲漢
言為藥王其病者莫不愈其怛薩阿竭當号

字惟首陀惟沙耶漢言者淨其所部尔時壽
四小劫當有七十萬聲聞悉已從慧得解皆
當知八惟務禪尔時當有十二億菩薩一切
皆入諸慧曉了漚愁拘舍佛般泥洹以後其
法住乃至億萬歲已後乃盡其刹土一切人
至死無狐疑者壽終已後不生八惡處所以
者何用從佛聞深法故諸垢濁不復著佛語
舍利弗人而不可輕所以者何而從輕得其
罪佛言我知人而所作而餘無知者而所趣
向其有佛者乃知之舍利弗從其衆會言是
事微妙快乃知是則言從今已去不敢復說
是者罪人是者福人所以者何一切人之所

行不可議故如佛屬所說阿闍世而得波介
時萬二千天子皆發阿耨多羅三耶三菩心
各各同願惟首陀淨所部惟沙耶作佛時我
生其刹土佛悉與決其作佛時而當徃生後
刹土王阿闍世有子年八歲名曰旃檀師利
應時取身上珍寶解散佛上則言以是發阿
耨多羅三耶三菩心若惟首陀惟沙耶而作
佛時我願為遮迦越羅其佛般泥洹以後我
願承其後作佛所散寶物悉化作七寶交露
縱廣正四等中有坐床具足若干之寶其統
綖幡亦復如是佛坐其床上應時佛笑無央
數色光明而從口出遍於十方還繞身三匝

從頂上而入阿難從座起白佛怛薩阿竭不妄
笑當有意阿難歎佛其智慧甚尊無所罣礙
悉知一切人心之所行隨其所欲教照令各
得所天上天下而獨特尊所因緣笑故唯願
欲聞若十方一切人悉在前住一人問億
百千那術事悉則發遣而無留難屬之所笑
唯聞其說已過去當來今見在佛悉而具足
無所罣礙屬之所笑唯決其疑其光明悉逾
於日月過於釋梵壞諸遮迦和山令一切悉
見其光明見其光明者人則無所復著所以
者何佛以無瑕穢故屬之所笑唯願發遣
佛告阿難是旃檀師利者已供養我而發阿

稱多羅三耶三善心稍稍而至惟首陀惟沙
耶作佛時而生彼刹當作遮迦越羅舉家室
僕從當供養其佛比丘僧至竟無有已其佛
般泥洹已足是兒當習其後便於遮迦越羅壽
盡當至兜術天上從上竟壽而下當生彼佛
刹而自成佛号字旃檀羈尊所有一切如前
佛無異其壽適等諸聲聞菩薩亦復適等其
從阿闍世所諸餘菩薩悉皆言若文殊師利
在所方面亦復如佛無有空時所以者何有
所作爲與佛無異其有菩薩爲文殊師利所
教者無所復異何以故無復生於惡處者不
畏衆魔亦不畏罪不有所沾汗若城郭郡國

縣邑丘聚若有學其法者若有持是經諷誦
讀者若書者見是輦人當如見佛無有異在
所方面而聞法則當念則是佛處佛謂諸菩
薩審如若若之所言所以者何已過去無央數
阿僧祇劫有佛号字提愨竭則與我決當為
阿耨多羅三耶三菩心而成為佛我以綏布

地令怛薩阿竭而蹈之正於是處而得決言
汝過阿僧祇劫後而當為佛号字釋迦文時
提愨竭佛謂諸比丘僧是所受決處不當以
足蹈其地所以者何是則極尊神處諸天人
民一切當共事是處誰有於是而起塔者應
時八十億天皆念言我而起之有迦羅越名

毘陀調則白言我欲於是起塔則時便作七
寶塔嚴莊甚好事已訖竟至提愆竭所白言
所作塔以成聞怛薩阿竭其福如何提愆竭
言若菩薩在所處得法忍圓如車輪而起作
塔下行盡地際諸天鬼神一切當已其土供
養當如舍利無異如是菩薩所受決得法忍
處圓如車輪滿中七寶上至三十三天持施
與佛有作是塔者其福出是上其佛言如我
授摩訶決而後當作釋迦文佛汝作是塔因
是功德當從釋迦文佛受決却後阿僧祇劫
亦當成佛佛語衆會者乃知時迦羅越毘陀
調不諸會者不及佛即言今在會中迦羅越

子名曰作羅一耶闍是應時怛薩阿竭而與
決言汝當作佛号字頌隨扇漢言名曰決見
佛復言若比丘比丘尼優婆塞優婆夷而書
是經若諷誦讀爲一切人說解其法處圓如
車輪塵等下盡地際上至三十三天其智者
取中一塵而供養之所以者何菩薩從是法
而得忍故佛言若男子女人以七寶滿三千
大千佛刹土日三反持是施與但專念是其
所復作如是百劫千劫若復至百千劫其有
諷誦讀阿闍世品者若恭若事若諷誦爲一
切說而解其中慧其心信向無有異是福出
彼所作施與功德上若男子女人於百劫而

持淨戒卒聞是法信樂喜之其福出彼淨戒
功德上雖爲人所撾捶罵詈百劫亦不起意
是爲忍辱其聞是法信向於中作忍出彼忍
辱上於百劫而精進恭事一切人亦不以爲
勤苦不惜身命其聞是法信而爲一切人解
其中事其福出彼精進上其身於百劫守禪
不如以是法而教一切人其功德出彼守禪
上若有百劫而行智慧聞是法解心本清淨
其功德出彼上諸菩薩皆白佛吾等悉當奉
行所至到諸佛刹當以法而化人佛語諸菩
薩汝所至奉行法教一切所作如佛無異所
以者何是法悉解佛事故一切諸會菩薩悉

以華供養散怛薩阿竭上遍三千大千刹土
諸菩薩各自說是法實尊其釋迦文佛之所
說當久在閻浮利地而與明文殊師利者常
當久住所所以者何常當從聞深妙之法諸菩
薩言推身未報其恩佛言若男子女人從
人聞是法亦不以身報其恩欲見怛薩阿竭
者視其男子女人所聞法處當供養如佛其
有信於是法者視其人當如見佛諸菩薩從
座起為釋迦文佛作禮於是恍惚而不見各
各還其刹土以是法自於處所為一切具足
解說是慧其聞是法者無央數人悉發阿耨
多羅三耶三菩心佛語弥勒菩薩持是法當

諷誦讀當爲一切廣說其事當加哀天上天下及一切弥勒菩薩白佛我以從過去諸佛所已聞是法持諷誦讀已今復還聞是法今亦當廣爲一切說法雖怛薩阿竭般泥洹已後我在兜術天上若男子女人欲學是法我勸助護之後末世法一切欲盡時其有聞其處所有是經當知我之所護若有魔中道而欲壞敗我當護之今不得其便佛語釋提桓因當持是法諷誦讀決諸狐疑若阿須倫興師起兵欲來擊天帝當念是經應時得勝其兵即却佛復言若有郡國縣邑丘聚其奉事是經皆當往護其遭縣官者若入縣官者當

念是經行賊中當念是經若為賊所拘繫當
念是經若在曠野當念是經若見怨家若與
怨家相得當念是經其有至心於是法者無
而得其便佛語阿難持是法諷誦讀當為一
切說解其法若有男子女人從若聞是法便
無狐疑諸狐疑索盡則不復為罪所覆亦不
為生死之所覆亦不中道離法之所覆一切
其有作邪道者則為不行終不與魔事而相
當值所以者何用聞是法故其已作逆惡者
聞是法信樂喜則已無逆惡亦不受逆之罪
摩訶迦葉白佛我證知是法屬文殊師利於
阿闍世所食時說是法解作逆惡之事應時

得歡喜信忍悉為解狐疑我今說之其有犯
逆者從是法忍悉得解脫亦當如阿闍世應
時摩訶迦葉復言一切人本悉淨而自作反
是我所非我所亦不而自知其本淨悉以曉
了本淨者所作罪則解脫無有而知如阿闍
世者是以一切愚人所作反還自殺身便因
是而得勤苦便入泥利牛摩訶迦葉言其奉事
信樂是法吾等證之不復墮惡道佛言如汝
之所說一切諸佛菩薩心無瑕穢阿難復白
佛唯怛薩阿竭令後世人見是法怛薩阿竭
應時從身之相放光明照無央數佛刹諸垣
牆樹下皆有音聲其法當尔所以者何若劫

盡火起其當聞者會聞是法若當聞是法雖
在於海中會還得聞是法佛語阿難如垣墻
樹木之所聞聲審如其言其已作功德者已
作摩訶衍者後世皆還得聞是法說是經時
諸天及人九萬六千悉得須陁洹道七萬八
千人悉發阿耨多羅三耶三菩心二千菩薩
得無所從生法樂忍八千人皆得阿羅漢道是
三千大千刹六反震動衆冥悉開闢而悉明
諸欲天子諸色天子以若干伎樂而供養之
皆以天華天香共散之言所謂法輪聞是法
者已爲逮法輪轉諸外道者聞是法即而自
知是故因爲伏是者則菩薩印其得是印者

乃到佛樹下佛說是經王阿闍世諸菩薩文
 殊師利是為本諸聲聞舍利弗摩訶目捷連
 阿難等是其本諸天捷施羅一切人間佛所
 說前已頭面作禮而去

佛說阿闍世王經卷下

惟

躑	熟	音	墟	果	下	怳
下	上	日	魚	下	音	惚
直	徒	隔	反	起	一	上
亦	彫	皮	鳧	離	一	兄
反	反	奔	野	流	無	往
几	字	文	鴨	字	形	反
坐	金	釳	也	合	之	下
曲	上	下	架	作	象	音
凭	居	普	上	疏	也	忽
也	矣	反	二	璃	文	俸
反	靡	吒	同	鑽	穿	祿
躄	地	上	非	上	用	上
倒	上	音	膽	錐	反	房
地	毗	酒	勢	一	子	苞
也	益	字	上	也	亂	裹
反	反	洗	丁	反	反	上
反	趾	革	丘	反	必	

遯

音速

薜

荔

上下

蒲閉反

反

闕

滿

上音

同

寒

也

遽

反其

去

也

湊

反

奏

唾

反

郟

反

逆

檐

惟

尺廉

反也

蹈

履音

盜

稍

漸所

漸也

威

反

薄末

擿

床

也

反

上舊音也

